




1953



樂府詩集

一五

Inches

Centimetres

TIFFEN Color Control Patches

© The Tiffen Company, 2007

Blue

Cyan

Green

Yellow



Red

Magenta

White

3/Color

Black



樂府詩集卷第八十六

新改詩評

太原 郭茂倩 編次

中興 總照

千冬逢一歲 萬夜開朝日 生年值中興 歡起百年舉


中興太平 氣化而四海 祥景照玉堂 紫烟遊鳳閣

碧樓合夜月 青殿 彩輝散蘭房 風起自生芳

白日照前窗 玲瓏綺羅中 美人掩翠幃 合思歌春風

三五容色滿 四五夕輝 已難 歡分隨秋光 沒

北出湖邊 戲前還苑中 遊飛殿 繞長松 野宮逐波流



樂府詩集卷第八十六

太原

郭茂倩

編次

新歌謠辭

歌辭

中興歌十首

鮑照

千冬逢一春萬夜視朝日
 生年值中興歡起百年畢
 中興太平運化清四海樂
 祥景照玉臺紫烟遊鳳閣
 碧樓含夜月紫殿爭朝光
 彩墀散蘭麝風起自生芳
 白日照前窗玲瓏綺羅中
 美人掩輕扇含息歌春風
 三五容色滿四五妙華歇
 已輸春日歡分隨秋光沒
 北出湖邊戲前還苑中遊
 飛縠繞長松馳管逐波流



九月秋水清三月春花滋千金逐良日皆競中興時
窮泰已有分壽夭復屬天既見中興樂莫持憂自煎
襄陽是小地壽陽非帝城今日中興樂遙治在上京
梅花一時豔竹葉千年色願君松柏心採照無窮極

勞歌二首

伍緝之

莊子曰勞我以生佚我以老息我以死韓
詩曰飢者歌食勞者歌事若伍緝之云連
連已窮極又云居身苦且危則勞生可知
矣

幼童輕歲月謂言可久長一朝見零悴歎息向秋霜連
連已窮極疾疴復不康每恐先朝露不見白日光庶及

盛年時暫遂情所望吉辰既乖越來期眇未央促促歲

月盡窮年空怨一作傷

女蘿依附松終已冠高枝浮萍生託水至死不枯萎傷
哉抱關士獨無松與期月色似冬草居身苦且危幽生
重泉下窮年冰與澌多謝負郭生無所事六奇勞爲社
下宰時無魏無知

同前

蕭撝

百年能幾許公事罷平生寄言任立政誰憐李少卿

白日歌

張融

張融歌序曰懸象著明莫大於日月而彼
日月不能不謝固知無準衰爲盛之終盛

乃衰之始故爲白日歌

白日白日舒天照暉數窮則盡盛滿而衰

雲歌

王臺卿

玉雲初度色金風送影來全生疑魄暗半去月時開欲知無處所一爲上陽臺

旦歌

一旦被頭痛避頭還著牀自無親伴侶誰當給水漿匍匐入山院正逢虎與狼對虎低頭啼垂淚淚千行

滠豫歌二首

鄺道元水經注曰白帝山城水門之西江中有孤石名滠豫石水冬出二十餘丈夏

則沒亦有裁出焉江水東逕廣峽溪乃三峽首之也峽中有瞿塘黃龕二灘夏水回復汭所忌十道志曰滠豫石與城郭門外石潛通蜀人往燒火伏石則滠預邊沸國史補曰蜀之三峽最號峻急四月五月尤險故行者歌之滠或作濫預或作豫

濫預大如馬瞿塘不可下

濫預大如牛瞿塘不可流

同前

梁簡文帝

滠預大如服瞿塘不可觸金沙浮轉多桂浦忌經過

巴東三峽歌二首

鄴道元水經注曰巴東三峽謂廣溪峽巫峽西陵峽也三峽七百里中兩岸連山略無闕處重巖疊嶂隱蔽天日非亭午夜分不見日月其中有灘名曰黃牛江湍紆回信宿猶見故行者謠曰朝發黃牛暮宿黃牛三日三暮黃牛如故宜都山川記曰自黃牛灘東入西陵界至峽口一百許里山水紆曲林木高茂猿鳴至清山谷傳響泠泠不絕行者聞之莫不懷土故漁者歌云

巴東三峽巫峽長猿鳴三聲淚沾裳

巴東三峽猿鳴悲猿鳴三聲淚沾衣

挾琴歌

范靜妻沈氏

逶迤起塵唱宛轉遶梁聲調弦可以進蛾眉畫未成

挾瑟歌

魏收

春風宛轉入曲房兼送小苑百花香白馬金鞍去未返紅妝玉筍下成行

同前

陸龜蒙

挾瑟爲君撫君嫌聲太古寥寥倚浪絲際際沈湘語賴有秋風知清冷吹玉柱

鄱陽歌二首

南史曰梁陸襄爲鄱陽內史大同初郡人鮮于琮結司徒殺廣晉令王筠有衆萬餘

人將出攻郡襄先已率人吏脩城隍爲備
及賊至破之生獲琮時鄰郡守宰案其黨
與皆不得實或有善人盡室罹禍唯襄郡
枉直無濫民乃作歌又有彭李二家因忿
爭相誣告襄引入內室不加責誚但和言
解喻之二人感恩深自悔咎乃爲設酒食
令其盡歡酒罷同載而還因相親厚民因
歌之

鮮于抄後善惡分人無橫死賴陸君
陸君政無怨家鬪旣罷離英車

北軍歌

南史曰梁臨川靜惠王宏爲揚州刺史天
監中武帝詔都督諸軍侵魏宏以帝之介
弟所領皆器甲精新軍容甚盛北人以爲
百數十年所未之有軍次洛口前軍尅梁
城諸將欲乘勝深入宏聞魏接近畏懦不
敢進召諸將欲議旋師呂僧珍曰知難而
退不亦善乎停軍不進魏人知其不武遺
以巾幘北軍乃歌之歌云韋武謂韋叡也
不畏蕭娘與呂姥但畏合肥有韋武

雍州歌

南史曰梁南平王偉子恪爲雍州刺史年

樂府卷五
少未閑庶務委之羣下百姓每通一辭數
處輸錢方得聞徹賓客有江仲舉蔡遠王
臺卿庾仲容四人俱被接遇竝有蓄積民
間歌之後達武帝帝因接末句云
江千萬蔡五百王新車庾大宅主人憤憤不知客

始興王歌

南史曰梁始興忠武王憺爲都督荊州刺
史時天監初軍旅之後公私匱乏憺厲精
爲政廣闢屯田減省力役俟其窮困辭訟
者皆立待符教決於俄頃曹無留事下無
滯獄後徵還朝而民歌之荆土方言謂父

爲爹故歌云人之爹也

始興王人之爹赴人急如水火何時復來哺乳我

夏侯歌

梁書曰夏侯夔爲豫州刺史於蒼陵立堰
溉田千餘頃境內賴之夔兄亶先居此任
兄弟竝有恩惠百姓歌之夔在州七年遠
近多親附

我之有州賴彼夏侯前兄後弟布政優優

咸陽王歌

北史曰後魏咸陽王禧謀逆伏誅後宮人
爲之歌其歌遂流於江表

可憐咸陽王奈何作事悞金牀玉几不能眠夜起踏霜
露洛水湛湛彌岸長行人那得度

鄭公歌

北史曰後魏鄭述祖爲兗州刺史有人入市盜布其父執之以歸述祖述祖特原之自是境內無盜先是述祖之父道昭亦嘗爲兗州刺史故百姓歌之

大鄭公小鄭公相去五十載風教尙猶同

裴公歌

北史曰裴俠爲河北郡守躬履儉素愛民如子郡舊有漁獵夫三十人以供郡守俠

曰以口腹役人吾所不爲也悉罷之又有三十人供郡守役俠亦罷之不以入私竝收庸爲市官馬歲時旣積馬遂成羣去職之日一無所取民歌之云

肥鮮不食丁庸不取裴公貞惠爲世規矩

長白山歌

北史曰來整祭國公護之子也尤驍勇善撫御討擊羣賊所向皆捷諸賊歌之

長白山頭百戰場十五五把長槍不畏官軍千萬衆
只怕榮公第六郎

敕勒歌

樂府八十六卷六

樂府廣題曰北齊神武攻周玉壁士卒死者十四五神武恚憤疾發周王下令曰高歡鼠子親犯玉壁劔弩一發元凶自斃神武聞之勉坐以安士眾悉引諸貴使斛律金唱敕勒神武自和之其歌本鮮卑語易為齊言故其句長短不齊

吹草低見牛羊
敕勒川陰山下天似穹廬籠蓋四野天蒼蒼野茫茫風
吹草低見牛羊
同前
溫庭筠
敕勒金墮壁陰山無歲華帳外風飄雪營前月照沙羌
兒吹玉管胡姬踏錦花却笑江南客梅落不歸家

東征歌

王通

杜淹文中子世家曰隋仁壽中文中子西遊長安見文帝奏太平十有二策帝下其議於公卿公卿不悅文中子知謀之不用作東征之歌而歸帝聞而再徵之不至我思國家兮遠遊京畿忽逢帝王兮降禮布衣遂懷古人之心兮將興太平之基時異事變兮志乖願違吁嗟道之不行兮垂翅東歸皇之不斷兮將身西飛

辭將軍歌

唐書曰高宗時薛仁貴領兵擊九姓突厥於天山時九姓有眾十餘萬令驍健數十

人逆來挑戰仁貴發三矢射殺三人自餘
一時下馬請降仁貴恐爲後患竝坑殺之
九姓自此衰弱不復更爲邊患於是軍中

歌之

將軍三箭定天山戰士長歌入漢關

顏有道歌

唐書曰顏遊秦師古叔父武德初爲廉州
刺史時劉黑闥初平人多以彊暴寡禮風
俗未安遊秦撫恤境內敬讓大行邑里歌
之高祖璽書勉勞焉

廉州顏有道姓行同莊老愛人如赤子不殺非時草

新河歌

唐書曰薛大鼎貞觀中爲滄州刺史州界
有無棣河隋末填廢大鼎奏開之引魚鹽
於海百姓歌之

新河得通舟楫利直達滄海魚鹽至
答曰徒行今結駟
美哉薛公德湧破

田使君歌

唐書曰田仁會永徽中爲郢州刺史屬時
旱仁會自曝祈禱竟獲甘澤其年大稔百
姓歌之

父母育我田使君精誠爲人上天聞田中致雨山出雲

倉廩既實禮義申但願常在不憂貧

黃麀歌

唐書五行志曰如意初里中歌黃麀後契丹李盡忠孫萬榮叛陷營州則天令總管曹仁師王孝傑等將兵百萬討之大敗於碓石黃麀谷而死朝廷嘉其忠為造此曲後亦為舞曲

黃麀黃麀草裏藏彎弓射爾傷

得休歌

唐書曰天寶初韋堅為陝郡太守水陸轉運使於長安城東漉水傍穿廣運潭以通

吳會數十郡舟楫若廣陵郡船即堆積廣陵所出錦鏡銅器餘郡皆然舟人大笠寬衫芒屨如吳楚之製先是民間戲唱得休歌至開元末田同秀上言見玄元皇帝云有寶符在陝州桃林縣古關令尹喜宅遣中使求得之以為殊祥改縣為靈寶及堅鑿新潭成又致揚州銅器陝縣尉崔成甫乃翻此詞為得寶歌集兩縣官伎女子唱之成甫又作歌詞十章自衣缺膊綠衫錦半臂偏袒膊紅抹額於第一船作號頭唱之和者女子百人皆鮮服靚妝齊聲接影

鼓笛胡部以應之樂府雜錄曰得寶歌一
曰得寶子又曰得鞞子明皇初得太真妃
喜而謂後宮曰予得楊氏如得至寶樂府
遂作此曲二說不同

得體紇那也紇囊得體那潭裏船車開揚州銅器多三
郎當殿坐聽唱得體歌

得寶歌

得寶弘農野弘農得寶那潭裏船車開揚州銅器多三
郎當殿坐聽唱得寶歌

黃臺瓜辭

唐章懷太子

唐書曰武后生四子長曰孝敬皇帝弘為

太子監國而仁明孝悌武后方圖臨朝乃
殺孝敬立雍王賢為太子賢日懷憂惕知
必不保全無由敢言乃作黃臺瓜辭命樂
工歌之冀武后聞之感悟後終為武后所
逐死於黔中一作高宗武后
種瓜黃臺下瓜熟子離離一摘使瓜好再摘令瓜稀三
摘尚自可摘絕抱蔓歸

古歌

沈佺期

落葉流風向玉臺夜寒秋思洞房開水精簾外金波下
雲母窗前銀漢迴玉階陰陰苔蘚色君王履綦難再得
璇閨窈窕秋夜長繡戶徘徊秋月光燕姬綵帳芙蓉色

秦子金爐蘭麝香北斗七星橫夜半清歌一曲斷君腸

同前二首

薛維翰

美人怨何深舍情倚金閣不嘯復不語紅淚雙雙落
美人閉紅燭獨坐裁心錦頻放剪刀聲夜寒知未寢

樂府詩集卷第八十六

東吳毛晉訂正

男辰再訂

樂府詩集卷第八十七

太原

郭茂倩

編次

雜歌謠辭

歌辭

潁川歌

漢書曰灌夫不好文學喜任俠已然諾諸
所與交通無非豪傑大猾家累數千萬食
客日數十百人陂池田園宗族賓客為權
利橫潁川潁川兒歌之

潁水清灌氏寧潁水濁灌氏族

庾公歌二首

及古

晉書五行志曰庾亮初鎮武昌出至石頭
百姓於岸上歌之後連徵不入及薨還都
塋焉

庾公上武昌翩翩如飛鳥庾公還揚州白馬牽流旒
庾公初上時翩翩如飛鳥庾公還揚州白馬牽流蘇

御路楊歌

宋書五行志曰晉海西公太和中民爲此
歌白者金行馬者國族紫爲奪正之色明
以紫間朱也海西公尋廢三子非海西子
竝縊以馬韁死之明日南方獻甘露
青青御路楊白馬紫游韁汝非皇太子那得甘露漿

鳳凰歌

宋書五行志曰晉海西公生皇子百姓歌
之其歌甚美其旨甚微海西公不男使左
右向龍與內侍接生子以爲己子

鳳凰生一雛天下莫不喜本言是馬駒今定成龍子

黃曇子歌

溫庭筠

晉書五行志曰栢石民爲荊州百姓忽歌
黃曇子曲後石民死王忱爲荊州之應黃
曇子王忱字也按橫吹曲李延年二十八解
有黃覃子不知與此同否凡歌辭考之與
事不合者但因其聲而作歌爾

參差綠蒲短搖艷雲一作春塘滿紅激蕩融融鶯翁鷓鴣
暖萋芊小城路馬上脩蛾懶羅衫裊向風點粉金鷄卵

歷陽歌

晉書五行志曰庾楷鎮歷陽百姓歌之後
楷南奔桓玄為玄所殺

重羅黎重羅黎使君南上無還時

苻堅時長安歌

晉書載記曰苻堅既滅燕慕容冲姊偽清
河公主年十四有殊色堅納之寵冠後庭
冲年十二亦有龍陽之資堅又幸之姊弟
專寵宮人莫進長安歌之咸懼為亂王猛

切諫堅乃出冲後竟為冲所敗

一雌復一雄雙飛入紫宮

王子年歌二首

南史曰齊太祖高皇帝諱道成姓蕭氏未
受命時王子年作此歌案穀中精細者稻
也即道也熟猶成也金刀劉字刈猶翦也
欲知其姓草肅肅穀中最細低頭熟鱗身甲體永興福
金刀利刃齊刈之

邯鄲郭公歌

樂府廣題曰北齊後主高緯雅好傀儡謂
之郭公時人戲為郭公歌及將敗果營邯

鄆高郭聲相近九十九末數也滕口鄆林也大兒謂周帝太祖子也高岡後主姓也雉雞類武成小字也後敗於鄆林盡如歌

言蓋語妖也

邯鄲郭公九十九技兩漸盡入滕口大兒緣高岡雉子東南走不信吾言時當看歲在酉

邯鄲郭公辭

溫庭筠

金笳悲故曲玉座積深塵言是邯鄲伎不易鄆城人青苔竟埋骨紅粉自傷神唯有漳河柳還向舊營春

齊雲觀歌

隋書五行志曰陳後主造齊雲觀國人歌

之功未畢而為隋師所虜

齊雲觀寇來無際畔

周宣帝歌

隋書五行志曰周宣帝與宮人夜中連臂

蹋踈而歌

自知身命促把燭夜行遊

謠辭

黃澤辭

穆天子傳曰天子東遊于黃澤使宮樂謠

云

黃之隄其馬歎沙皇人威儀皇之澤其馬歎玉皇人壽

穀

白雲謠

穆天子傳曰天子觴西王母于瑤池之上
西王母為天子謠天子荅之
白雲在天山陵自出道里悠遠山川間之將子無死向
復能來

穆天子謠

子歸東土和治諸夏萬民平均吾顧見汝比及三年將
復而野

越謠歌

古辭

君乘車我帶笠他日相逢下車揖君檐簷我跨馬他日

相逢為君下

長安謠

漢書佞倖傳曰成帝初百顯與妻子徙歸
故鄉其黨牢梁陳順皆免官諸所交結以
顯為官皆廢罷少府五鹿充宗左遷玄菟
太守御史中丞伊嘉為雁門都尉長安謠
云

伊徙雁鹿徙免去牢與陳實無價

城中謠

後漢書曰前世長安城中謠言改政移風
必有其本上之所好下必甚焉

城中好高髻四方高一尺城中好廣袖四方且半額城中好大袖四方全匹帛

會稽童謠

後漢書曰張霸永元中爲會稽太守時賊未解郡界不寧乃移書開購明用信賞賊遂束手歸附不煩士卒之力於是有童謠棄我戟捐我矛盜賊盡吏皆休

二郡謠

後漢書曰汝南太守宗資任功曹范滂南陽太守成瑨亦委功曹岑晊范滂字孟博岑晊字公孝二郡爲謠

汝南太守范孟博南陽宗資主畫諾南陽太守岑公孝弘農成瑨但坐嘯

京兆謠

續漢書曰李燮拜京兆詔發西園錢燮上封事遂止不發吏民愛敬乃爲此謠

我府君道教舉恩如春威如虎剛不吐弱不茹愛如母訓如父

後漢栢靈時謠

後漢書曰栢靈之世更相濫舉人爲之謠舉秀才不知書察孝廉父別居

吳謠

樂府八十一卷六

吳志曰周瑜少精意於音樂雖三爵之後
其有闕誤瑜必知之知之必顧故時人謠

曲有誤周郎顧

晉泰始中謠

晉書曰泰始中人為賈充等謠言亾魏而
成晉也

賈裴王亂紀綱王裴賈濟天下

閻道謠

晉書曰潘岳才名冠世為眾所疾後為河
陽令而鬱鬱不得志時尚書僕射山濤領

吏部王濟裴楷等竝為帝所親遇岳內非
之乃題閻道為謠

閻道東有大牛王濟鞅裴楷鞵和嶠刺促不得休

南土謠

王隱晉書曰杜預為鎮南大將軍都督荆
州諸軍事南土美而謠之

後世無叛由杜翁孰識智名與勇功

宋時謠

南史曰宋時用人乖實有謠云

上車不落為著作體中何如作祕書

宋大明中謠

樂府八十一卷七

南史曰大明中有奚顯度者爲員外散騎侍郎孝武嘗使主領入功而苛虐無道動加捶撻暑雨寒雪不聽暫休人不堪命或自經死時建康縣考囚或用方材壓額及裸脛故民間有此謠又相戲曰勿反顧付奚度其暴酷如此

寧得建康壓額不能受奚度拍

山陰謠

南史曰丘仲孚爲山陰令居職甚有聲稱而百姓爲此謠前世傅琰父子沈憲劉玄明相繼宰山陰竝有政績言仲孚皆過之

也

二傅沈劉不如一丘

梁時童謠

南史曰臨賀郡王正德性凶慝其後梁室傾覆旣由正德百姓至聞臨賀郡名亦不欲道其惡之如是故有童謠

寧逢五虎入市不欲見臨賀父子

曲堤謠

北史曰宋世良爲清河太守才識閑明尤善政術郡東南有曲堤羣盜所萃世良施八條之制盜奔它境而民爲此謠

曲堤雖險賊何益但有宋公自屏跡

趙郡謠

北史曰後魏李孝伯父曾道武時爲趙郡太守令行禁止并州丁零數爲山東害知曾能得百姓死力不敢入境賊於常山界得一死鹿賊長爲趙郡地也責之還令送鹿故處其見憚如此郡人爲之謠

詐作趙郡鹿猶勝常山粟

北齊太上時童謠

千金買藥園中有芙蓉樹破家不分明蓮子隨它去

獨酌謠四首

陳後主

陳後主序曰齊人淳于髡善爲十酒偶效之作獨酌謠

獨酌謠獨酌且獨謠一酌豈陶暑二酌斷風颺三酌意不暢四酌情無聊五酌孟易覆六酌權欲調七酌累心去八酌高志德一作超九酌忘物我十酌忽凌霄凌霄與羽翼任致得飄飄寧學世人醉揚波去我遙爾非浮丘伯安見王子喬

獨酌謠獨酌起中宵中宵照春月初花發春朝春花春月正徘徊一罇一弦當夜開聊奏孫登曲仍斟畢卓杯羅綺徒紛亂金翠轉遲回中心更如水凝志本同灰逍遙自可樂世語世情哉

獨酌謠獨酌酒難消獨酌三兩盃并曲兩三調調弦忽
未畢忽值出房朝更似遊春苑還如逢麗譙衣香逐嬌
去眼語送杯嬌餘罇盡復益自得是逍遙

獨酌謠獨酌一樽酒樽酒傾未酌明月正當牖是牖非
園甕吾樂非擊缶自任物外權更齊椿菌久卷舒乃一
卷忘情且十斗寧復語綺羅因情卽山數

同前

陸瑜

獨酌謠芳氣饒一傾蕩神慮再酌動神飈忽逢鳳樓下
非待鸞弦招窗明影乘入人來香逆飄杯隨轉態盡釧
逐畫杯搖桂宮非蜀郡當壚也至宵

同前

沈炯

獨酌謠獨酌謠獨酌獨長謠智者不我顧愚夫余不要
不愚復不智誰當余見招所以成獨酌一酌一傾瓢生
涯本湯湯神理暫超超再酌矜許史三酌傲松喬頻煩
四五酌不覺凌丹霄倏爾厭五鼎俄然賤九韶彭殤無
與葬夷跖可同朝龍蠖非不屈鵬鷄本逍遙寄語號呶
侶無乃太塵囂

羈謠

孔仲智

芳杜觴春酒髣髴傷山時徒歌不成樂空以羈自悲羈
傷懷土心遽復還山路迨及春復時無使春光算

筵篋謠

結交在相得骨肉何必親甘言無忠實世薄多蘇秦從

風暫靡草富貴上昇天不見山巔樹摧圻下爲薪豈甘
井中泥上出作埃塵

同前

李白

攀天莫登龍走山莫騎虎貴賤結交心不移唯有嚴陵
及光武周公稱大聖管蔡寧相容漢謠一斗粟不與淮
南春兄弟尙路人吾心安所從它人方寸間山海幾千
重輕言託朋友對面九疑峰多花必早落桃李不如松
管鮑久已死何人繼其蹤

玉漿泉謠

隋書曰豆盧勣爲潤州刺史甚有惠政華
夷悅服大致祥瑞烏鼠山俗呼爲高武隴

其下渭水所出其山絕壁千尋由來乏水
諸羌苦之勣馬足所踐忽飛泉湧出有白
鳥翔止廳前乳子而後去民爲之謠後因
號其泉曰玉漿泉

我有丹陽山出玉漿濟我人夷神鳥來翔

鄴城童子謠

李賀

鄴城中募塵起將黑丸斫文吏棘爲鞭虎爲馬團團走
鄴城下切玉劒射日弓獻何人奉相公扶轂來閣右兒
香掃塗相公歸

唐天寶中京兆謠

唐書曰李峴爲京兆尹甚著聲績天寶中

連雨六十餘日宰臣楊國忠惡其不附已
以雨災歸京兆尹乃出爲長沙太守時京
師米麥踊貴百姓爲之謠其爲政得人心
如此
欲得米麥賤無過追李峴

樂府詩集卷第八十七

東吳毛晉訂正

男辰再訂

樂府詩集卷第八十八

太原

郭茂倩

編次

雜歌謠辭

謠辭

堯時康衢童謠

列子曰堯治天下五十年不知天下之治
與不治億兆之願戴已與不願戴已顧問
左右外朝及在野皆不知也堯乃微服游
於康衢聞童兒謠堯喜問曰誰教爾爲此
言童兒曰聞之大夫大夫曰古詩也堯還
宮召舜因禪以天下舜不辭而受之

立我烝民莫匪爾極不識不知順帝之則

晉獻公時童謠

春秋左氏傳曰晉獻公伐虢圍下陽問於卜偃曰吾其濟乎偃以童謠對曰克之十月丙子旦日在尾月在策鶉火中必是時也冬十二月丙子朔晉滅虢虢公醜奔京師漢書五行志曰焯十二月夏十月也言天者以夏正

丙之晨龍尾伏辰衲服振振取虢之旂鶉之奔奔天策焯焯火中成軍虢公其奔

晉惠公時童謠

漢書五行志曰晉惠公賴秦力得立立而背秦內殺二大夫國人不說及夏葬其兄恭太子申生而不敬故詩妖作也後與秦戰爲秦所獲立十四年而死晉人絕之夏立其兄重耳是爲文公遂伯諸侯恭太子夏葬兮後十四年晉亦不昌昌乃在共兄

魯國童謠

漢書五行志曰左氏傳魯文成之世童謠也至昭公時有鸚鵡來巢公攻季氏敗出奔齊居外野次乾侯八年死于外歸葬魯昭公名禰公子宋立是爲定公

鸚之鵠之公出辱之鸚鵠之羽公在外野往饋之馬鸚
鵠踈踈公在乾侯徵褰與孺鸚鵠之巢遠哉遙遙禰父
喪勞宋父以驕鸚鵠鸚鵠往歌來哭

楚昭王時童謠

家語曰楚昭王渡江江中有物大如斗圓
而赤直觸王舟舟人取之王大怪之遍問
羣臣莫之能識王使使聘於魯問于孔子
孔子曰此爲萍實也可剖而食之吉祥也
唯霸者爲能獲焉使者反王遂食之大美
久之使來以告魯大夫大夫因子游問曰
夫子何以知其然曰吾嘗之鄭過乎陳之

野聞童謠此楚王之應也是以知之
楚王渡江得萍實大如斗赤如日剖而食之甜如蜜

周末時童謠

家語曰齊有一足之鳥飛習于公朝下止
於殿前舒翅而跳齊侯大怪之使使聘魯
問於孔子孔子曰此鳥名曰商羊水祥也
管童兒有屈其一脚振訊兩着而跳且謠
今齊有之其應至矣急告民趨治溝渠脩
隄防將有大水爲災頃之大霖雨水溢泛
諸國傷害民人唯齊有備不敗

天將大雨商羊鼓儻

漢元帝時童謠

漢書五行志曰元帝時童謠至成帝建始二年三月戊子北宮中井泉稍上溢出南流井水陰也竈烟陽也玉堂金門至尊之居象陰盛而滅陽竊有宮室之應也王莽生於元帝初元四年至成帝封侯為三公輔政因以篡位也

井水溢滅竈烟灌玉堂流金門

漢成帝時燕童謠

漢書五行志曰成帝時童謠後帝為微行出遊常與富平侯張放俱稱富平侯家人

過陽阿主作樂見舞者趙飛鸞而幸之故曰燕燕尾涎涎美好貌也張公子謂富平侯也木門倉琅根為宮門銅鑲言將尊貴也後遂立為皇后與弟昭儀賊害後宮皇子卒皆伏辜所謂燕飛來啄皇孫皇孫死燕啄矢者也

燕燕尾涎涎張公子時相見木門倉琅根燕飛來啄皇孫皇孫死燕啄矢

漢成帝時歌謠

漢書五行志曰成帝時歌謠也桂赤色漢家象華不實無繼嗣也王莽自謂黃象黃

爵巢其顛也

邪徑敗良田讒口亂善人桂樹華不實黃爵巢其顛故為人所羨今為人所憐

王莽時汝南童謠

漢書曰汝南舊有鴻隙大陂郡以為饒成帝時關東數水陂溢為害翟方進為相與御史大夫孔光共遣掾行視以為決去陂水其地肥美省隄防費而無水憂遂奏罷之及翟氏滅鄉里歸惡言方進請陂下良田不得而奏罷陂王莽時常枯旱郡中追怨方進時有童謠子威方進字也

瓊陂誰翟子威飯我豆食羹芋魁反乎覆陂當復誰云者兩黃鵠

夏始時南陽童謠

後漢書五行志曰夏始時南陽有童謠是時夏始在長安世祖為大司馬平定河北夏始大臣竝僭專權故謠妖作也後夏始遂為赤眉所殺是夏始之不諧在赤眉也世祖自河北興

諧不諧在赤眉不得在河北

後漢時蜀中童謠

後漢書五行志曰世祖建武六年蜀中童

樂府八卷五
謠是時公孫述僭號於蜀時人竊言王莽
稱黃述欲繼之故稱白五銖漢家貨明當
復也述遂誅滅

黃牛白腹五銖當復

後漢順帝末京都童謠

後漢書五行志曰順帝之末京都童謠按
順帝卽世孝質短祚大將軍梁冀貪樹疏
幼以爲己功專國號令以贍其私太尉李
固以爲清河王雅性聰明敦詩悅禮加又
屬親立長則順置善則固而冀建白太后
策免固徵蠡吾侯遂卽至尊固是月幽斃

于獄暴屍道路而太尉胡廣封安樂鄉侯
司徒趙戒厨亭侯司空袁湯安國亭侯
直如弦死道邊曲如鉤反封侯

後漢栢帝初小麥童謠

後漢書五行志曰栢帝之初天下童謠按
元嘉中涼州諸羌一時俱反南入蜀漢東
抄三輔延及并冀大爲民害命將出衆每
戰常負中國益發甲卒麥多委棄但有婦
女穫刈之也吏買馬君具車者言調發重
及有秩者也請爲諸君鼓隴胡者不敢公
言私咽語也

樂府八卷六
小麥青青大麥枯誰當穫者婦與姑丈人何在西擊胡
吏買馬君具車請爲諸君鼓隴胡

大麥行

杜甫

大麥乾枯小麥黃婦女行泣夫走藏東至集壁西梁洋
問誰腰鎌胡與羌豈無蜀兵三千人部領辛苦江山長
安得如鳥有羽翅託身白雲還故鄉

後漢桓帝初城上烏童謠

後漢書五行志曰桓帝之初京都童謠按
此皆謂爲政貪也城上烏尾畢逋者處高
利獨食不與下笑謂人主多聚斂也公爲
吏子爲徒者言蠻夷將畔逆父旣爲軍吏

其子又爲卒徒往擊之也一徒死百乘車
者言前一人往討胡旣死矣後又遣百乘
車往車班班入河間者言桓帝將崩乘輿
班班入河間迎靈帝也河間姪女工數錢
以錢爲室金爲堂者靈帝旣立其母永樂
太后好聚金以爲堂也石上慊慊春黃梁
言永樂唯積金錢慊慊常若不足吏人春
黃梁而食之也梁下有懸鼓我欲擊之丞
卿怒者言永樂教靈帝使賣官受錢所祿
非其人天下忠篤之士怨望欲擊懸鼓以
求見丞卿主鼓者亦復諂順怒而止我也

劉昭以爲此謠後驗竟爲靈帝作言一徒似斥栢帝帝貴任羣闡參委機政左右前後莫非刑人有同囚徒之長故言寄一徒也且又第則廢黜身無嗣塊然單獨非一而何百乘車者乃國之君解犢後徵正膺斯數繼以班班尤得以類焉解犢靈帝所封也

城上烏尾畢逋公爲吏子爲徒一徒死百乘車車班班入河間河間姪女工數錢以錢爲室金爲堂石上慊慊春黃梁梁下有懸鼓我欲擊之丞卿怒

後漢栢帝初京都童謠

後漢五行志曰栢帝之初京都童謠至延熹末鄧皇后以譴自殺乃以竇貴人代之其父名武字游平拜城門校尉及太后攝政爲大將軍與太傅陳蕃合心戮力惟德是建印綬所加咸得其人豪賢大姓皆絕望矣

游平賣印自有平不避豪賢及大姓

後漢栢帝末京都童謠

後漢書五行志曰栢帝之末京都童謠按解犢亭屬饒陽河間縣也居無幾何而栢帝崩使者與解犢侯皆白蓋車從河間來

延延眾貌是時御史劉儵建議立靈帝以儵爲侍中中常侍侯覽畏其親近必當問已白拜儵泰山太守因令司隸迫促殺之朝廷少長息其功效乃拔用其弟郃致位司徒此爲合諧也劉昭按郡國志饒陽本屬涿後屬安平靈帝旣是河間王曾孫謠言自是有徵無俟河間之縣爲驗也

白蓋小車何延延河間來合諧

後漢靈帝末京都童謠

後漢書五行志曰靈帝之末京都童謠至中平六年少帝登躡至尊獻帝未有爵號

爲中常侍段珪等所執公卿百官皆隨其後到河上乃得來還此爲非侯非王上北芒者也

侯非侯王非王千乘萬騎上北芒

後漢獻帝初童謠

後漢初五行志曰獻帝初童謠公孫瓚以爲易地當之遂徙鎮焉乃脩城積穀以待天下之變建安三年袁紹攻瓚瓚大敗縊其姊妹妻子引火自焚紹兵趣登臺斬之初瓚破黃巾殺劉虞乘勝南下侵據齊地雄威大振而不能開廓遠圖欲以堅城觀

時坐聽圍戮斯亦自易地而去世也

燕南坐趙北際中央不合大如礪唯有此中可避世

後漢獻帝初京都童謠

後漢書五行志曰獻帝元初京都童謠按
千里草爲董十日卜爲卓凡別字之體皆
從上起左右離合無有從下發端者也今
二字如此者天意若曰卓自下摩上以臣
陵君也青青暴盛之貌不得生者亦旋破
亾也

千里草何青青十日卜不得生

魏明帝景初中童謠

宋書五行志曰魏明帝景初中童謠及宣
王平遼東歸至白屋當還鎮長安會帝疾
篤急召之乃乘追鋒車東渡河終翦魏室
如童謠之言也

阿公阿公駕馬車不意阿公東渡河阿公東還當奈何

魏齊王嘉平中謠

宋書五行志曰魏齊王嘉平中謠按朱虎
者楚王彪小字也王陵令狐愚聞此謠謀
立彪事發陵等伏誅彪賜死

白馬素羈西南馳其誰乘者朱虎騎

吳孫亮初童謠

吳孫亮初童謠

宋書五行志曰吳孫亮初童謠按楊子閣者反語石子岡也鉤絡鉤帶也及諸葛恪死果以葦席裹身篋束其腰投之石子岡後聽恪故吏收葬求之此岡云

吁汝恪何若若蘆葦單衣篋鉤絡於何相求楊子閣

吳孫亮初白鼉鳴童謠

宋書五行志曰吳孫亮初公安有白鼉鳴童謠按南郡城可長生者有急易以逃也明年諸葛恪敗弟融鎮公安亦見襲融刮金印龜服之而死鼉有鱗介甲兵之象也白鼉鳴龜背平南郡城中可長生守死不去義無成

白鼉鳴

張籍

天欲雨有東風南谿白鼉鳴窟中六月人家井無水夜聞白鼉人盡起

吳孫皓初童謠

宋書五行志曰吳孫皓初童謠按皓尋遷都武昌民泝流僕給戚怨毒焉

寧飲建業水不食武昌魚寧還建業死不止武昌居

吳孫皓天紀中童謠

宋書五行志曰吳孫皓天紀中童謠晉武帝聞之加王濬龍驤將軍及征吳江西眾軍無過者而王濬先定秣陵

阿童復阿童銜刀遊渡江不畏岸上虎但畏水中龍

晉武帝太康後童謠三首

宋書五行志曰晉武帝太康後江南童謠于時吳人皆謂在孫氏子孫故竊發爲亂者相繼按橫目者四字自吳亾至晉元帝興幾四十年皆如童謠之言元帝懦而少斷局縮肉直斥之也于寶云不知所斥諱之也

局縮肉數橫目中國當敗吳當復

宮門柱且莫朽吳當復在三十年後

雞鳴不拊翼吳復不用力

晉惠帝永熙中童謠

晉書五行志曰惠帝永熙中童謠時楊駿專權楚王用事故言荆筆楊板二人不誅則君臣禮悖故云幾作驢也

二月末三月初荆筆楊板行詔書宮中人馬幾作驢

晉惠帝元康中京洛童謠二首

晉書五行志曰惠帝元康中京洛童謠南風賈后字也白晉行也沙門太子小字也魯賈謚國也言賈后將與謚爲亂以危太子而趙王因釁咀嚼豪賢以成篡奪也按賈后傳有此謠云南風烈烈吹黃沙遙望

魯國鬱嵯峨前至三月滅汝家與五行志
所載不同其後賈謐既誅賈后尋亦廢死
宋書五行志曰是時愍懷頗失衆望卒以
廢黜不得其死焉

南風起吹白沙遙望魯國何嵯峨千歲髑髏生齒牙
城東馬子莫嚙啣比至來年纏汝髮

晉元康中洛中童謠

宋書五行志曰晉元康中趙王倫既篡洛
中有童謠數月而齊王成都河間義兵同
會誅倫按成都西蕃而在鄴故曰虎從北
來齊東蕃而在許故曰龍從南來河間水

匯而在關中故曰水從西來齊畱輔政居
宮西有無君之心故曰登城看也

虎從北來鼻頭汗龍從南來登城看水從西來何灌灌

晉惠帝時洛陽童謠

晉書曰惠帝時洛陽童謠明年而胡賊石
勒劉羽反

鄴中女子莫千妖前至三月抱胡腰

晉惠帝大安中童謠

宋書五行志曰晉惠帝大安中童謠其後
中原大亂宗蕃多絕唯琅邪汝南西陽南
頓彭城同至江表而元帝嗣晉矣

五馬游渡江一馬化爲龍

晉懷帝永嘉初謠

晉書五行志曰苟晞將破汲桑時有此謠
司馬越由是惡晞奪其兖州隙難遂構焉
按列傳東海孝獻王越字元超懷帝永嘉
初出鎮許昌自許昌率苟晞及冀州刺史
丁劭討汲桑破之越還于許長史潘滔說
之曰兖州天下樞要公宜自牧乃轉苟晞
爲青州刺史由是與晞有隙

元超兄弟大洛度上桑打樵爲苟作

晉懷帝永嘉初童謠

晉書五行志曰司馬越還洛時童謠也按
列傳越旣與苟晞構怨尋詔越爲丞相領
兖州牧督兗豫司冀幽并六州越辭丞相
不受自許遷于鄆城移屯濮陽又遷于滎
陽後自滎陽還洛帝紀曰永嘉三年三月
丁巳東海王越歸京師是也

洛中大鼠長尺二若不早去大狗至

晉永嘉中童謠

三十國春秋曰永嘉中童謠也

秦川中血沒腕唯存涼州倚柱觀

晉明帝大寧初童謠

晉書五行志曰明帝太寧初童謠及明帝崩成帝幼爲蘇峻所逼遷于石頭御膳不足此大馬死小馬餓也高山峻也言峻尋死石峻第蘇石也峻死後石據石頭尋亦破此山崩石破之應也

側側力力放馬山側大馬死小馬餓高山崩石自破

晉哀帝隆和初童謠

晉書五行志曰哀帝隆和初童謠朝廷聞而惡之改年曰興寧民復歌曰雖復改興寧亦復無聊生哀帝尋崩升平五年而穆帝崩不滿斗不至十年也

升平不滿斗隆和那得久栢公入石頭陛下徒跣走

晉太和末童謠

晉書五行志曰太和末童謠及海西公被廢百姓耕其門以種小麥遂如謠言

犁牛耕御路白門種小麥

晉孝武太元末京口謠


晉書五行志曰孝武帝太元末京口謠尋王恭起兵誅王國寶旋爲劉牢之所敗故言拉颯樓也

黃雌雞莫作雄父啼一旦去毛衣衣被拉颯樓

樂府詩集卷第八十八

東吳毛晉訂正

男辰再訂



樂府詩集卷第八十九

太原

郭茂倩

編次

雜歌謠辭

謠辭

晉安帝元興初童謠

宋書五行志曰晉栢玄既篡有此童謠及
玄敗走至江陵五月中誅如其期焉時又
有民謠云征鍾落地栢逆走征鍾至穢之
服栢四體之下稱玄自下居上猶征鍾之
厠歌謠下體之詠民口也而云落地墜地
之祥逆走之言其驗明矣按帝紀栢玄篡

位在安帝元興二年十二月也

草生及馬腹烏啄栢玄目

晉安帝元興中童謠

宋書五行志曰晉安帝元興中栢玄既得志而有童謠及玄敗走而諸栢悉誅焉郎君可馬元顯也

長干巷巷長于今年殺郎君明年斬諸栢

晉安帝義熙初童謠

晉書五行志曰安帝義熙初童謠時官養盧龍寵以金紫奉以名州養之已極而龍不能懷我好音舉兵內伐遂成讐敵也及

敗斬伐其黨如草木之成積焉按列傳盧循小字元龍元興二年寇廣州逐刺史吳隱之自攝州事號平南將軍安帝乃假循征虜將軍廣州刺史義熙中劉裕破循于豫章循走交州爲刺史杜慧度所殺

官家養蘆化成荻蘆生不止自成積

晉安帝義熙初謠二首

宋書五行志曰盧龍據有廣州民間有謠後擁上流數州之地內逼京輦應天半之言時復有謠言龍後果敗不得入石頭矣

蘆生湯湯竟天半

卷之二

盧橙橙逐水流東風忽如起那得入石頭

晉吳中童謠

宋書五行志曰晉庾義在吳郡時吳中童謠無幾而庾義王洽相繼亾

寧食下湖荇不食上湖蓴庾吳沒命喪復殺王領軍

晉荊州童謠

晉書五行志曰殷仲堪在荊州時童謠未幾而仲堪敗桓玄遂有荊州

苾籠目繩縛腹殷當敗桓當復

晉京口謠

宋書五行志曰晉王恭鎮京口誅王國寶

百姓爲此謠按昔年食白飯言得志也今年食麥麩麥麩麤穢其精已去明將敗也天公將加譴謫而誅之也捻嚙喉氣不通死之祥也敗復敗丁寧之辭也恭尋死京都火行咳疾而喉竝喝焉

昔年食白飯今年食麥麩天公誅譴汝教汝捻嚙喉嚙喉喝復喝京口敗復敗

晉京口民間謠二首

宋書五行志曰晉王恭在京口民間忽有此謠按黃字上恭字頭也小人恭字下也尋如謠言

樂府卷三
黃頭小人欲作賊阿公在城下指縛得
黃頭小人欲作亂賴得金刀作蕃扞

苻堅時長安謠

晉書載記曰苻堅時長安有此謠堅以鳳
凰非梧桐不棲非竹實不食乃植桐竹數
十萬株于阿房城以待之後堅爲慕容沖
所敗入止阿房城焉鳳凰沖小字也

鳳凰鳳凰止阿房

苻堅初童謠

晉書五行志曰苻堅初有此童謠及堅敗
於淝水爲姚萇所殺在僞位凡三十年

阿堅連牽三十年後若欲敗時當在江湖邊

苻堅時童謠

晉書載記曰苻堅彊盛時有此童謠堅聞
而惡之每征伐戒軍候云有新城者避之
後因壽陽之敗其國大亂竟死於新城佛
寺五行志曰時復有謠云魚羊田斗當滅
秦識者以爲魚羊鮮也田斗卑也堅自號
秦言滅之者鮮卑也其羣臣諫堅令盡誅
鮮卑堅不從及淮南敗還初爲慕容沖所
攻又爲姚萇所殺身死國滅云

河水清復清苻詔死新城

宋元嘉中魏地童謠

南史曰宋元嘉二十七年魏太武帝圍汝南成文帝遣臧質比救至盱台太武已過淮自廣陵返攻盱台就質求酒質封洩便與之且報書云不聞童謠言邪虜馬飲江水佛狸死卯年冥期使然非復人事爾智識及衆豈能勝苻堅邪頃年展爾陸梁者是爾未飲江太歲未卯耳時魏地有童謠故質引之云

輶車北來如穿雉不意虜馬飲江水虜主北歸石濟死虜欲渡江天不徙

梁武帝時謠

南史曰梁武帝天監元年十一月立長子統爲皇太子時民間有謠按鹿子開者反語爲來子哭也後太子果薨是時長子歡爲徐州刺史以嫡孫次應嗣位而帝意在晉安王猶豫未決及立晉安王爲皇太子而歡止封豫章郡王還任謠言心徘徊者未定也城中諸少年逐歡歸去來者復還徐方之象也統卽昭明太子也

鹿子開城門城門鹿子開當開復未開使我心徘徊城中諸少年逐歡歸去來

梁大同中童謠

隋書五行志曰梁大同中有童謠其後侯景破丹楊乘白馬以青絲為羈勒以應之

青絲白馬壽陽來

梁末童謠

南史曰梁末有童謠及王僧辯滅說者以為僧辯本乘巴馬以擊侯景馬上郎王字也塵謂陳也江東謂殺羊角為皂莢隋氏姓楊楊羊也言陳終滅於隋也

可憐巴馬子一日行千里不見馬上郎但有黃塵起黃塵汚人衣皂莢相料理

陳初童謠

隋書五行志曰陳初有童謠其後陳主果為韓擒所敗擒本名擒虎黃班之謂也破建康之始復乘青驄馬往反時節皆應

黃班青驄馬發自壽陽來時冬氣未去日春風始

同前

御路種竹篠蕭蕭已復起合盤貯蓬塊無復揚塵已

陳初時謠

日西夜烏飛拔劍倚梁柱歸去來歸山下

後魏宣武孝明時謠

北史魏本紀曰宣武孝明間謠識者以為

索謂魏本索髮焦梨狗子指宇文泰俗謂之黑獺也

狐非狐貉非貉焦梨狗子齧斷索

後魏末童謠

北史齊本紀曰後魏末文宣未受禪時有童謠按藁然兩頭於文爲高河邊殺癩爲水邊羊指帝名也於是徐之才勸帝受禪一東藁兩頭然河邊殺癩飛上天

東魏童謠

北史曰東魏孝靜帝之將立也時有童謠按青雀子謂靜帝實清河王之世子鸚鵡

謂齊神武也後竟爲齊所滅

可憐青雀子飛來鄴城裏羽翮垂欲成化作鸚鵡子

北齊鄴都童謠

隋書五行志曰齊神武始移都于鄴時有童謠按魏孝靜帝者清河王之子也后則神武之女鄴都宮室未備卽逢禪代作窠未成之効也孝靜尋崩文宣以后爲太原長公主降於楊愔時婁后尚在故言寄書於父母新婦子斥后也

可憐青雀子飛入鄴城裏作窠猶未成舉頭失鄉里寄言與父母好看新婦子

北齊武定中童謠

隋書五行志曰武定中有童謠按高者齊姓也澄文襄名五年神武崩摧折之應七年文襄遇盜所害澄滅之徵也

百尺高竿摧折水底然燈澄滅

北齊文宣時謠

北史齊本紀曰文宣時謠按帝以午年生故曰馬子三臺石季龍舊居故曰石室三千六百日十年也文宣在位十年果如謠言

馬子入石室三千六百日

北齊後主武平初童謠

隋書五行志曰武平元年童謠按其年四月隴東王胡長仁謀遣刺客殺和士開事露反爲士開所譖而死

狐截尾你欲除我我除你

北齊後主武平中童謠二首

隋書五行志曰武平二年童謠小兒唱訖一時拍手云殺却至七月二十五日御史中丞琅邪王儼執士開送於南臺而斬之是歲又有童謠而七月士開被誅九月琅邪王遇害十一月趙彥深出爲西兗州刺

史

和士開七月三十日將你向南臺
七月刈禾傷早九月喫饘正好十月洗蕩飯瓮十一月
出却趙老

北齊後主武平末童謠

隋書五行志曰武平末有童謠時穆后母
子淫辟干預朝政時人患之穆后小字黃
花尋逢齊亾欲落之應也

黃花勢欲落清尊但滿酌

北齊末鄴中童謠

隋書五行志曰北齊末鄴中有童謠未幾

周師入鄴

金作埽帚玉作把淨埽殿屋迎西家

周初童謠

隋書五行志曰周初有童謠按靜帝隋氏
之甥既遜位而崩諸舅強盛

白楊樹頭金雞鳴祇有阿舅無外甥

隋煬帝大業中童謠

隋書五行志曰煬帝大業中童謠其後李
密坐楊玄感之逆為吏所拘在路逃叛潛
結羣盜自陽城山而來襲破洛口倉後復
屯兵苑內莫浪語密也宇文化及自號許

國尋亦破滅誰道許者蓋驚疑之辭也
桃李子鴻鵠遶陽山宛轉花林裏莫浪語誰道許

唐武德初童謠

新唐書五行志曰竇建德未敗時有此謠也

豆入牛口勢不得久

唐貞觀中高昌國童謠

唐書曰貞觀中高昌國有此童謠其國王文泰使人捕其初唱者不能得帝紀曰十三年以侯君集爲交河道行軍大總管帥師伐高昌十四年平之以其地置西州又

置安西都護府

高昌兵馬如霜雪漢家兵馬如日月日月照霜雪回首自消滅

唐永淳初童謠

新唐書五行志曰高宗永淳元年童謠是歲七月東都大雨人多殍殍

新禾不入箱新麥不入場迨及八九月狗吠空垣墻

唐高宗永淳中童謠

新唐書五行志曰高宗自調露中欲封嵩山屬突厥叛而止後又欲封以吐蕃入寇遂停時有童謠按舊書武后自封岱之後

勸帝封中嶽每下詔草儀注卽歲饑邊事
警急而止永淳中旣至山下未及行禮遽
疾還宮而崩

高山凡幾層不與登不得但恐不得登三度徵兵馬傍
道打騰騰

唐武后時童謠

紅綠複裙長千里萬里聞香

唐神龍中謠

新唐書五行志曰中宗神龍以後民謠按
山南唐也烏鵲窠者人居寡也山北胡也
金駱駝者虜獲而重載也

山南烏鵲窠山北金駱駝鎌柯不鑿孔斧子不施柯

唐中宗時童謠

新唐書五行志曰安樂公主於洛州造安
樂寺時有童謠按舊書安樂公主中宗幼
女韋皇后所生初降武崇訓崇訓死降武
延秀所造安樂佛寺擬於宮掖巧妙過之
可憐安樂寺了了樹頭懸

唐景龍中謠

新唐書五行志曰景龍中民謠也按會要
東都聖善寺神龍初中宗爲武太后追福
所造景龍中復增廣焉

可憐聖善寺身著綠毛衣牽來河裏飲踏殺鯉魚兒

唐天寶中童謠

新唐書五行志曰天寶中安祿山未反時童謠按舊書天寶十四載祿山以范陽叛明年竊號燕國

燕燕飛上天天上女兒鋪白氈氈上有千錢

唐天寶中幽謠

新唐書五行志曰天寶中幽州有此謠也舊來誇戴竿今日不堪看但看五月裏清水河邊見契丹

唐德宗時童謠

新唐書五行志曰朱泚未敗前兩月有童謠按舊書建中四年朱泚以涇原兵叛僭號曰大秦明年改號曰漢是歲六月兵敗而死

一隻筋兩頭朱五六月化為蛆

唐元和初童謠

新唐書五行志曰元和初童謠既畢乃轉身曰舞了也按舊書志云為十年六月三日武元衡為盜所害之應本傳云打麥謂打麥時也麥打謂暗中突擊也三三三謂六月三日也既而旋其袖曰舞了也謂元

衡之卒也

打麥麥打三三三舞了也

唐咸通中童謠

新唐書五行志曰懿宗咸通七年童謠也

草青青被嚴霜鶴始後看顛狂

唐咸通末成都童謠

新唐書五行志曰咸通十四年成都有童

謠是歲歲陰在巳明年在午巳蛇也午馬也

咸通癸巳出無所之蛇去馬來道路稍開頭無片瓦地有殘灰

唐僖宗時童謠

新唐書五行志曰僖宗時有此童謠按舊

書云乾符中仍歲凶荒人飢為盜河南尤

甚曹州人王仙芝尚君長聚盜起於濮陽

攻剽城邑陷曹濮鄆等州五年仙芝敗而

黃巢之眾攻江西云

金色蝦蟆爭努眼翻却曹州天下反

唐乾符中童謠

新唐書五行志曰乾符六年童謠也

八月無霜塞草青將軍騎馬步空城漢家天子西巡狩猶向江東覈索兵

唐中和初童謠

新唐書五行志曰中和初有此童謠按舊書中和四年黃巢既敗以其殘衆東走李克用追擊至濟陰而還賊散於兗鄆黃巢入泰山至狼虎谷爲其將林言所殺

黃巢走泰山東死在翁家翁

梁太祖時蜀中謠

五代史曰劉知俊初事梁太祖後奔蜀王建雖加寵待然亦忌之常謂近侍曰劉知俊非爾輩能駕馭不如早爲之所有嫉之者於里巷間作此謠知俊色黥丑生機繩


者王氏子孫皆以宗承爲名故以此猜疑之遂見殺於成都

黑牛出圈機繩斷

樂府詩集卷第八十九

東吳毛晉訂正

男辰再訂



樂府詩集卷第九十

新樂府辭

太原

郭茂倩

編次

樂府之名起於漢魏自孝惠帝時夏侯寬為樂府令始以名官至武帝乃立樂府采詩夜誦有趙代秦楚之謳則採歌謠被聲樂其來蓋亦遠矣凡樂府歌辭有因聲而作歌者若魏之三調歌詩因弦管金石造歌以被之是也有因歌而造聲者若清商吳聲諸曲始皆徒歌既而被之弦管是也有有聲有辭者若郊廟相和饒歌橫吹等

曲是也有有辭無聲者若後人之所述作
未必盡被於金石是也新樂府者皆唐世
之新歌也以其辭實樂府而未常被於聲
故曰新樂府也元微之病後人沿襲古題
唱和重複謂不如寓意古題刺美見事猶
有詩人引古以諷之義近代唯杜甫悲陳
陶東江頭兵車麗人等歌行率皆卽事名
篇無復倚旁乃與白樂天李公垂輩謂是
爲當遂不復更擬古題因劉猛李餘賦樂
府詩咸有新意乃作出門等行十餘篇其
有雖用古題全無古義則出門行不言離

別將進酒特書列女其或頗同古義全創
新詞則田家止述軍輸捉捕請先蠖蟻如
此之類皆名樂府由是觀之自風雅之作
以至于今莫非諷興當時之事以貽後世
之審音者儻採歌謠以被聲樂則新樂府
其庶幾焉

樂府雜題

新曲

謝 偃

青樓綺閣已含春凝妝豔粉復如神細細輕裾全漏影
離離薄扇詎障塵樽中酒色恒宜滿曲裏歌聲不厭新
紫燕欲飛先遶棟黃鸝始哢即嬌人撩亂絲垂昏柳陌

參差濃葉暗桑津上客莫畏斜光晚自有西園明月輪

同前二首

長孫無忌

家住朝歌下早傳名結伴來遊淇水上舊長情玉佩金
鈿隨步動雲羅霧縠逐風輕轉目機心懸自許何須更
待聽琴聲

迴雪凌波遊洛浦遇陳王婉約娉婷工語笑侍蘭房芙
蓉綺帳還開揜翡翠珠被爛齊光長願今宵奉顏色不
愛聞簫逐鳳凰

湘川新曲二首

杜易簡

昭潭深無底橘洲淺而浮本欲凌波去翻爲目成畱願
君稍弭楫無令賤妾羞

二八相招攜採菱波前谿弱腕隨橈起纖腰向舸低自
解看花笑憎聞染竹啼

小曲新辭二首

白居易

霽色鮮宮殿秋聲脆管弦聖明千載樂歲歲似今年
紅裾明月夜碧簾早秋時好向昭陽宿天源玉漏遲

公子行

劉希夷

天津橋下陽春水天津橋上繁華子馬聲迴合青雲外
人影搖揚綠波裏綠波青迴玉爲砂青雲離披錦作霞
可憐楊柳傷心樹可憐桃李斷腸花此日遨遊邀美女
此時歌舞入倡家倡家美女鬱金香飛去飛來公子傷
的的珠簾白日映娥娥玉顏紅粉妝花際徘徊雙蛺蝶

池邊顧步兩鴛鴦，傾國傾城漢武帝。爲雲爲雨楚襄王，
古來容光人所羨。況復今日遙相見，願作輕羅著細腰。
願爲明鏡分嬌面，與君相向轉相親。與君雙棲共一身，
願作貞松千歲古。誰論芳權一朝新，百年同謝西山日。
千秋萬古北邙塵。

同前

陳羽

金羈白面郎，何處踏青來。馬嬌郎半醉，躑躅望樓臺。似
見樓上人，玲瓏牕戶開。隔花聞一笑，落日不知迴。

同前

韓琮

紫袖長衫色，銀蟾半臂花。帶裝盤水玉，鞍繡坐雲霞。別
殿承恩澤，飛龍賜渥洼。注控羅青裊，轡鏤象碧重葩。意氣
催歌舞，闌珊走鈿車。袖影雲縹緲，釵轉鳳欹斜。珠卷迎
歸箔，紅籠晃醉紗。唯無難夜日，不得似仙家。

同前

顧況

輕薄兒，白如玉。紫陌春風纏馬足，雙燈懸金縷。鶻飛長
衫刺雪生，犀束綠槐夾道陰。初成珊瑚綫，節敵流星紅。
肌拂拂，酒光燦。當街背拉金吾行，朝遊嚶嚶鼓聲發。暮
遊嚶嚶鼓聲絕，入門不肯自昇堂。美人扶踏金階月。

同前

聶夷中

漢代多豪族，恩深益嬌逸。走一作馬踏殺人，街吏不敢
詰。紅樓宴青春，數里望雲蔚。金釭焰勝晝，不畏落暉疾。
美人盡如月，南威不敢匹。芙蓉自天來，不向水中出。綺

席宴雲和碧簫吹鳳質唯限魯陽死無人駐白日
花樹出墻頭花裏誰家樓一行書不讀身封萬戶侯美
人樓上歌不是古涼州

同前

于鵠

少年初拜太常秋半醉坐鞭見列侯馬上抱雞三市鬪
袖中攜劍五陵遊玉簫金管迎歸院錦袖紅妝擁上樓
更向苑東新買宅碧波春水入門流

同前

雍金陶

公子風流輕錦繡新裁白紵作春衣金鞭畱當誰家酒
拂柳穿花信馬歸

同前二首

張祐

玉堂前後畫簾垂立卻花驄待出時紅粉美人擎酒勸
錦衣年少臂鷹隨輕將玉杖敲花片旋把金鞭約柳絲
晴日獨遊三五騎等閒行倚曲江池

春色滿城池杯盤看處移鐙金斜雁子鞍怕嫩鶯兒買
笑飲桃李尋歌折柳枝可憐明月夜長是管弦隨

同前

孟賁于

錦衣紅奪彩霞明侵曉春遊向野庭不識農夫辛苦力
驕驄踏爛麥青青

將軍行

劉希夷

將軍闢轅門耿介當風立諸將欲言事逡巡不敢入劍
氣射雲天鼓聲振原隰黃塵塞路起走馬追兵急彎弓

從此去飛箭如雨集截圍一百重斬首五千級代馬流血死胡人抱鞍泣古來養甲兵有事常討襲乘我廟堂運坐使干戈戢獻凱歸京都軍容何翕習

同前

張籍

彈箏峽東有胡塵天子擇日拜將軍蓬萊殿前賜六纛還領禁兵爲部曲當朝受詔不辭家夜向咸陽原上宿戰車彭彭旌旗動三十六軍齊上隴隴頭戰勝夜亦行分兵處處收舊城胡兒殺盡陰積孽擾擾唯有牛羊聲邊人親戚曾戰歿今逐官軍收舊骨積西行見萬里空樂府獨奏將軍功

老將行

王維

少年十五二十時步行奪得胡馬騎射殺山中白額虎肯數鄴下黃鬚兒一身轉戰三千里一劔曾當百萬師漢兵奮迅如霹靂虜騎崩騰畏疾藜衛青不敗由天幸李廣無功緣數奇自從棄置便衰朽世事蹉跎成白首昔時飛箭無全目今日垂楊生左肘路傍時買故侯瓜門前學種先生柳茫茫古木連窮巷寥落寒山對虛牖誓令疎勒出飛泉不似賴川空使酒賀蘭山下陣如雲羽檄交馳日夕聞節使三河募年少詔書五道出將軍試拂鐵衣如雪色聊持寶劔動星文願得燕弓射大將恥令越甲鳴吳軍莫嫌舊日雲中守猶堪一戰取功勳

燕支行

漢家天將才且雄來時謁帝明光宮萬乘親推雙闕下
千官出餞五陵東誓辭甲第金門裏身作長城玉塞中
衛霍才堪一騎將朝廷莫數貳師功趙魏燕韓多勁卒
關西俠少何咆勃報讎只是聞嘗膽飲酒不曾妨刮骨
畫戟瑠戈白日寒連旗大旆黃塵沒豐鼓遙翻瀚海波
鳴笳亂動關山月麒麟錦帶佩吳鉤颯沓青驪躍紫騮
拔劍已斷天驕臂歸鞍笑飲月支頭漢軍大呼一當百
虜騎相看哭且愁教戰雖令赴湯火終知上將伐謀猷

桃源行

宋陶潛桃花源記曰晉太元中武陵人
浚溪捕魚忽作逢桃花林夾岸數百步中

無雜樹芳華鮮美落英繽紛漁人甚異之
復前行林盡水源得一山山有小口髣髴
有光乃捨船而入初纔通人行數十步豁
然開朗土地平曠屋舍儼然有良田美池
桑竹之屬阡陌交通雞犬相聞其中往來
種作男女衣著悉如外人黃髮垂髫怡然
自樂見漁人大驚問所從來邀還家爲設
酒殺雞自云先世避秦亂率妻子邑人來
此不復出遂與外人隔絕問今何世乃不
知有漢無論魏晉漁人爲具言皆歎惋停
數日辭去曰此中人語不足爲外人道也

既出得船復由向路處處誌之其後欲往
迷不復得路云

漁舟逐水愛山春兩岸桃花夾古津坐看紅樹不知遠
行盡青溪忽值人山口潛行始隈隩山開曠望旋平陸
遙看一處攢雲樹近入千家散花竹樵客初傳漢姓名
居人未改秦衣服居人共住武陵源還從物外起田園
月明松下房櫳靜日出雲中雞犬喧驚聞俗客爭來集
競引還家問都邑平明闔巷掃花開薄暮漁樵乘水入
初因避地去人間更問神仙遂不還峽裏誰知有人事
世中遙望空雲山不疑靈境難聞見塵心未盡思鄉縣
出洞無論隔山水辭家終擬長遊衍自謂經過舊不迷

安知峯壑今來變常時只記入山深清溪幾度到雲林
春來遍是桃花水不辨仙源何處尋

同前

劉禹錫

漁舟何招招浮在武陵水拖綸擲餌信流去誤入桃源
行數里清源尋盡花綿綿踏花覓徑至洞前洞門蒼黑
烟霧生暗行數步逢虛明俗人毛骨驚仙子爭來致詞
何至此須臾皆破冰雪顏笑語一作委曲問世間因嗟
隱身來種玉不知人世如風燭遮羞石髓勸客食燈熱
松脂畱客宿雞聲犬聲遙相聞曉光蔥籠開五雲漁人
振衣起出戶滿庭無路花紛紛飜然恐迷鄉縣處一息
不肯桃源住桃花滿溪水似鏡塵心如垢洗不去仙家

一出尋無蹤至今水流山重重

春女行

劉希夷

春女顏如玉怨歌陽春曲巫山春樹紅沅江春草綠自
憐妖豔姿妝成獨見時愁心伴楊柳春盡亂如絲目極
千里餘悠悠春江水遙想玉關人愁臥金閨裏尚言春
花落不知秋風起嬌愛猶未終悲涼從此始憶管楚王
宮玉樓妝粉紅纖腰弄明月長袖拂春風容華委曲山
光陰不可還桑林變東海富貴今何在寄言桃李容胡
爲閨閣重但看楚王墓唯有數株松

同前

王翰

紫臺穹跨連綠波紅軒鈴匝垂織羅中有一人金作面

隔幌玲瓏遙可見忽聞黃鳥鳴且悲鏡邊含笑著春衣
羅袖嬋娟似無力行拾落花比容色落花一度無再春
人生作樂須及辰君不見楚王臺上紅顏子今日皆成
狐兔塵

洛陽女兒行

王維

洛陽女兒對門居纔可顏容十五餘良人玉勒乘驄馬
侍女金盤贈鯉魚畫閣朱樓盡相望紅桃綠柳垂簷向
羅幃送上七香車寶扇迎歸九華帳狂夫富貴在青春
意氣驕奢劇季倫自憐碧玉親教舞不憎珊瑚持與人
春窗曙滅九微火九微片片飛花璫戲罷曾無理曲時
妝成祇是薰香坐城中相識盡繁華日夜經過趙李家

誰憐越女顏如玉貧賤江頭自浣沙

扶南曲五首

翠羽流蘇帳春眠曙不開羞從面色起嬌逐語聲來早
向昭陽殿君王中使催
堂上清弦動堂前綺席陳齊歌盧女曲雙舞洛陽人傾
國徒相看寧知心所親

香氣傳空滿妝華影滯通歌聞天仗外舞出御筵中日
算歸何處花間長樂宮

宮女還金屋將眠復畏明入春輕衣好半夜薄妝成拂
曙朝前殿玉除多珮聲

朝日照綺窗佳人坐臨鏡散黛恨猶輕插釵嫌未正同

心勿遽遊幸得春妝竟

笑歌行

李白

笑矣乎笑矣乎君不見曲如鉤古人知爾封公侯君不
見直如弦古人知爾死道邊張儀所以只掉三寸舌蘇
秦所以不墜二頭田笑矣乎笑矣乎君不見滄浪老人
歌一曲還道滄浪濯吾足平生不解謀此身虛作離騷
遣人讀笑矣乎笑矣乎趙有豫讓楚屈平賣身買得千
年名巢由洗耳有何益夷齊餓死終無成君愛身後名
我愛眼前酒飲酒眼前樂虛名何處有男兒窮通當有
時曲腰向君君不知猛虎不看机上肉洪爐不鑄囊中
錐笑矣乎笑矣乎甯武子朱買臣叩角行歌皆負薪今

日逢君君不識豈得不如佯狂人

江夏行

憶昔嬌小姿春心亦自持爲言嫁夫婿得免長相思誰
知嫁商賈令人却愁苦自從爲夫妻何曾在鄉土去年
下揚州相送黃鶴樓眼看帆去遠心逐江水流只言期
一載誰爲歷三秋使妾腸欲斷恨君情悠悠東家西舍
同時發北去南來不逾月未知行李遊何方作箇音書
能斷絕適來往南浦欲問西江船正見當壚女紅妝二
八年一種爲人妻獨自多悲悽對鏡便垂淚逢人只欲
啼不如輕薄兒且算長追隨悔作商人婦青春長別離
如今正好同歡樂君去容華誰得知

橫江詞六首

人言橫江好儂道橫江惡一風一日吹倒山

一作猛風吹倒天門

山白浪高於瓦官閣

海潮南去過潯陽牛渚由來險馬當橫江欲渡風波惡

一水牽愁萬里長

橫江西望阻西秦漢水東流

一作楚水東連

楊子津白浪如山

那可渡狂風愁殺峭帆人

海神東

一作來

過惡風回浪打天門石壁開浙江八月何

如此濤似連山噴雪來

橫江館前津吏迎向余東指海雲生郎今欲渡緣何事
如此風波不可行

日暈天風霧不開海鯨東蹙百川回驚波一起三山動
公無渡河歸去來

靜夜思

牀前看月光疑是地上霜舉頭望山月低頭思故鄉

黃葛篇

黃葛生洛溪黃花自綿羃青烟蔓長條繚繞幾百尺閨
人費素手採緝作絳綵縫爲絕國衣遠寄日南客蒼梧
大火落暑服莫輕擲此物雖過時是妾手中跡

采葛行

鮑溶


春溪幾回葛花黃黃麝引子山山香蠻女不惰手足損
鉤刀一一牽柔長葛絲茸茸春雪體深澗擇泉清處洗

殷勤十指蠶吐絲當窗嫋娜聲高機織成一尺無一兩
僕進天子五月衣水精夏殿開涼戶冰山繞座猶難御
衣親玉體又何如杳然獨對秋風曙鏡湖女兒嫁鮫人
鮫綃逼穴色不分吳中肉簞泛清水搖曳勝被三素雲
自茲貢薦無人憐那敢更爭龍手跡蠻女將來海市頭
賣與嶺南貧估客

樂府詩集卷第九十

東吳毛晉訂正

男辰再訂



樂府詩集卷第九十一

新樂府辭

樂府雜題

祖龍行

韋楚老

太原

郭茂倩

編次

漢書五行志曰秦始皇三十六年鄭客從關東來至華陰望見素車白馬從華山上下知其非人道住止而待之遂至持璧與客曰爲我遺鎬池君因言今年祖龍死忽不見鄭客奉璧卽始皇二十八年過江所湛璧也是歲始皇死後三年而秦滅顏師

古曰此直江神告鎬池之神以始皇將死
爾蘇林曰祖始也龍人君象謂始皇也應
劭曰祖人之先龍君之象祖龍行益出於

此

黑雲兵氣射天裂壯士朝眠夢寃結祖龍一夜死沙丘
胡亥空隨鮑魚轍腐肉偷生二千里僞書先賜扶蘇死
墓接驪山土未乾瑞光已向芒碭起陳勝城中鼓三下
秦家天地如崩瓦龍蛇撩亂入咸陽少帝空隨漢家馬

鄴都引

張說

君不見魏武草創爭天祿羣雄睚眦相馳逐晝攜壯士
破堅陣夜接詞人賦華屋都邑繚繞西山陽桑榆澆澆

漳河曲城郭爲墟人改代但有西園明月在鄴傍高塚
多貴臣蛾眉曼睩共灰塵試上銅臺歌舞處唯有秋風
愁殺人

孟門行

崔顥

黃雀銜黃花一作黃花翩翩傍簷隙本擬報君恩如何反彈
射金罍美酒滿座春平原愛財多衆寶滿堂盡是忠義
士何意得有讒諛人諛人翻覆那可道能令君心不自
係北園新栽桃李枝根株未固何轉移成陰結子君自
取若問傍人那得知

邯鄲宮人怨

邯鄲陌上三月春算行逢見一婦人自言鄉里本燕趙

樂府九十一卷二
少小隨家西入秦母兄憐愛無儔侶五歲名爲阿嬌女
七歲丰茸好顏色八歲黠惠能言語十三兄弟教詩書
十五青樓學歌舞我家青樓臨道傍紗窗綺幔暗聞香
日算笙歌君駐馬春日妝梳妾斷腸不用城南使君壻
本求三十侍中郎何知漢帝好容色玉輦攜歸登建章
建章宮殿不知數萬戶千門深且長百堵椒塗接青瑣
九華閣道連洞房水晶簾箔雲母扇璫璃窗牖玳瑁牀
歲歲年年奉懽宴嬌貴容華誰不羨恩情莫比陳皇后
寵愛全勝趙飛鸞瑤房侍寢世莫知金屋更衣人不見
誰言一朝復一日君王棄世市朝變宮車出葬茂陵田
賤妾獨畱長信殿一朝太子升至尊兩宮人事如掌翻

同時侍女見讒毀後來新人莫一作不敢言兄弟印綬皆
被奪替年賞賜不復存一旦放歸舊鄉里乘車塗淚還
入門父母愍我曾富貴嫁與西舍金王孫念此翻覆復
何道百年盛衰誰能保憶昨尚如春日花悲今已作秋
時草少年去去莫停鞭人生萬事由上天非我今日獨
如此古今歇薄皆莫然

吳宮怨

衛萬

君不見吳王宮闈臨江起不卷珠簾見江水曉氣晴來
雙闕間潮聲夜落千門裏句踐城中非舊春姑蘇臺下
起黃塵祇今唯有西江月曾照吳王宮裏人

同前

張翥

吳宮四面秋江水江清露白芙蓉死吳王醉後欲更衣
座上美人嬌不起宮中千門復萬戶君恩返覆誰能數
君心與妾既不同徒向君前作歌舞榮萸滿宮紅實坐
秋風裊裊生繁枝姑蘇臺上夕燕罷他人侍寢還獨歸
白日在天光在地君今詎得長相棄

青樓曲二首

王昌齡

白馬金鞍從武皇旌旗十萬宿長楊樓頭小婦鳴箏坐
遙見飛塵入建章

馳道楊花滿御溝紅妝縵綰上青樓金章紫綬千餘騎
夫婿朝回初拜侯

同前

于濟

青樓臨大道一上一迴老所息終不來極目傷春草

中流曲

崔國輔

歸時日尚早更欲向芳洲渡口水流急迴船不自由

聖壽無疆詞十首

韋巨源

文物京華盛謳歌國步康瑤池供壽酒銀漢麗宸章雨
露涵雙闕雷霆肅萬方代推仙祚遠春笑聖恩長鳳辰
臨花暖龍鑪傍日香遙知千萬歲天意奉君王

鷓鴣形庭際軒車綺陌前九城多好色萬井半祥烟人
醉逢堯酒翼歌答舜弦花明御溝水香暖禁城天錫宴
文逾盛微歡物更妍無窮豔陽月長照太平年
雲陛臨黃道天門在碧虛大明含睿藻元氣抱宸居戈

優征苗後詩傳宴鎬初年華富仙苑時哲滿公車化入
網緼大恩垂渙汗餘悠然萬方靜風俗揖華胥
玉漏飄青瑣金鋪麗紫宸雲山九門曙天地一家春瑞
靄方呈賞暄風本配仁巖廊開鳳翼水殿壓鰲身文雅
逢明代歡娛及賤臣年年未央闕恩共物華新
垂拱乾坤正歡心品類同紫烟舍北極玄澤付東風珠
綴畱晴景金莖直曉空發生資盛德交泰讓全功間氣
登三事祥光啓四聰遐荒似川水天外亦朝宗
代是文明晝春當宴喜時鑪烟添柳重宮漏出花遲漢
典方寬律周官正採詩碧霄傳鳳吹紅旭在龍旂造化
膺神契陽和沃聖恩無因隨百獸率舞奉丹墀

睿德符玄化芳情翊太和日輪皇鑒遠天仗聖朝多曙
色含金榜晴光轉玉珂中宮陳廣樂元老進賡歌蓮葉
看龜上桐花識鳳過小臣空擊壤滄海是恩波

物象朝高殿簪裾溢上京春當九衢好天向萬方明樂
報簫韶發林看沆瀣生芙蓉丹闕暖楊柳玉樓晴闔闔
開中禁衣裳儼太清南山同聖壽長獻鳳凰城

日上蒼龍闕香含紫禁林晴光五雲疊春色九天深賞
協元和德文垂雅頌音景雲隨御輦顛氣在宸襟永保
無疆壽長懷不戰心聖朝多慶賜瓊樹粉墻陰

化洽生成遂功宣動植知瑞凝三秀草春入萬年枝鳳
掖嘉言進鷓行喜氣隨仗臨丹地近衣對碧山垂渥澤

方柔遠聰明本聽卑願同東觀事長觀漢威儀

朝元引四首

陳陶

帝燭熒煌下九天蓬萊宮曉玉鑪烟無央鸞鳳隨金母
來賀薰風一萬年

玉殿雲開露冕旒下方珠翠壓鰲頭天雞唱罷南山曙

春色光輝十二樓

萬寓靈祥擁帝居東華元老薦屠蘇龍池遙望非烟拜
五色瞳矐在玉壺

寶祚河宮一向清龜魚天篆益分明近臣誰獻登封草
五嶽齊呼萬歲聲

平蕃曲三首

劉長卿

吹角報蕃營迴軍欲洗兵已教青海外自築漢家城
渺渺戍烟孤茫茫塞草枯隴關何用閉萬里不防胡
絕漠大軍還平沙獨戍閒空畱一片石萬古在燕山

悲陳陶

杜甫

孟冬十郡良家子血作陳陶澤中水野曠天清無戰聲
四萬義軍同日死羣胡歸來血洗箭仍唱胡歌飲都市
都人回面向北啼日夜更望官軍至

悲青坂

我軍青坂在東門天寒飲馬太白窟黃頭奚兒日向西
數騎彎弓敢馳突山雪河冰野蕭颼青是烽烟白人骨
焉得附書與我軍忍待明年莫倉卒

哀江頭

少陵野老吞聲哭春日潛行曲江曲江頭宮殿鏤千門
細柳新蒲爲誰綠憶昔霓旌下南苑苑中萬物生顏色
昭陽殿一作宮裏第一人同輦隨君侍君側輦前才人帶
弓箭白馬嚼齧黃金勒翻身向天仰射雲一箭正墜雙
飛翼明眸皓齒今何在血污遊魂歸不得清渭東流劍
閣深去住彼此無消息人生有情淚霑臆江水江花豈
終極黃昏胡騎塵滿城欲往城南望城北一作望南北

哀王孫

長安城頭頭白烏夜飛延秋門上呼又向人家啄大屋
屋底達官走避胡金鞭斷折九馬死骨肉不待同馳驅

腰下寶玦青珊瑚可憐王孫泣路隅問之不肯道姓名
但道困苦乞爲奴已經百日竄荆棘身上無有完肌膚
高帝子孫盡高華龍種自與常人殊豺狼在邑龍在野
王孫善保千金軀不敢長語臨交衢且爲王孫立斯須
昨夜東風吹血腥東來橐駝滿舊都朔方健兒好身手
笞何勇銳今何愚竊聞天子已傳位聖德北服南單于
花門勢面請雪恥慎勿出口他人狙哀哉王孫慎勿疎
五陵佳氣無時無

兵車行

車麟麟馬蕭蕭行人弓箭各在腰爺娘妻子走相送塵
埃不見咸陽橋牽衣頓足攔道哭哭聲直上千雲霄道

樂府九十一卷七
傍過者問行人行人但云點行頻或從十五北防河便
至四十西營田去時里正與裏頭歸來頭白還戍邊邊
亭流血成海水武皇開邊意未已君不聞漢家山東二
百州千村萬落生荆杞縱有健婦把鋤犁禾生隴畝無
東西況復秦兵耐苦戰被驅不與犬與雞長者雖有問
役夫敢申恨且如今年冬未休關西卒一云役夫心益憤如今縱得休還為隴西卒縣官急索租租稅從何出信知生男惡反是生
女好生女猶是嫁比鄰生男埋沒隨百草君不見青海
頭古來白骨無人收新鬼煩冤舊鬼哭天陰雨溼聲啾
啾

來從竇車騎

李益

東髮逢世屯懷恩抱明義讀書良不武學劍慙非智遂
別魯諸生來從竇車騎追兵赴邊急絡馬黃金轡出入
燕南陲由來重意氣自經臯蘭戰又破樓煩地西北護
三邊東南畱一尉時過如雲雨參差不自意將軍失恩
澤萬事從此與置酒高樓上薄暮秋風起長戟與我歸
歸來同棄置自酌還自飲非名又非利歌出易水寒琴
下雍門淚出逢平樂舊言在天階侍問我從軍苦自陳
少年貴丈夫交四海從論身自致漢將不封侯蘇卿來
遠使令我終此曲此曲成不易貴人難識心何由知忌
諱

憶長安曲二首

岑參

東望望長安正值日初出長安不可見但見長安日
長安何處在只在馬蹄下明日歸長安爲君急走馬

九曲詞三首

高適

河圖曰黃河出崑崙山東北流千里折西
而行至於蒲山南流千里至於華山之陰
東流千里至於栢雍北流千里至於下津
河水九曲長九千里入於渤海酈道元水
經注曰黃河百里一小曲千里一曲一直
矣新唐書曰天寶中哥舒翰攻破吐蕃洪
濟大莫等城收黃河九曲以其地置洮陽
郡適由是作九曲詞

鐵騎橫行鐵嶺頭西看邏迤取封侯青海只今將飲馬
黃河不用更防秋

許國從來徹廟堂連年不爲在疆場將軍天上封侯印
御史臺中異姓王

萬騎爭歌楊柳春千場對舞繡騏驎到處盡逢歡洽事
相看總是太平人

情人玉清歌

畢耀

洛陽城中有一人名玉清可憐玉清如其名善斜柯能
獨立嬋娟花豔無人及珠爲裙玉爲纓臨春風吹玉笙
悠悠滿天星萬金閣上晚妝成雲和曲中爲慢聲玉梯
不得踏搖袂兩盈盈城頭之日復何情

湘中弦二首

崔塗

烟愁雨細雲冥冥
杜蘭香老三湘清
故山望斷不知處
鶉鴉隔花啼一聲
蒼山遙遙江潏潏
路傍老盡無聞人
王孫不見草空綠
惆悵渡頭春復春

湘弦怨

孟郊

昧者理芳草
蒿蘭同一鋤
狂飈怒秋林
曲植同一枯
嘉木忌深蠹
哲人悲巧誣
靈均入迴流
靳尚為良謨
我願分衆泉
清濁各異渠
我願分衆巢
梟鸞相遠居
此志諒難保
此情竟何如
湘弦少知意
孤響空踟躕

湘弦曲

莊南傑

楚琴錚錚憂秋露
巫雲雨脚飛朝暮
古磬高敲百尺樓
孤猿夜哭千丈樹
雲軒碾火聲瓏瓏
連山卷盡長江空
鷺啼寂寞花枝雨
鬼嘯荒郊松栢風
滿堂怨咽悲相續
具調中含古離曲
繁弦響絕楚魂遙
湘山水碧天山綠

促促曲

李益

促促何促促
黃河九回曲
嫁與棹船郎
空牀將影宿
不道君心不如石
那教妾貌長如玉

促促詞

王建

促促復刺刺
水中無魚山無石
少年雖嫁不將歸
白頭猶著父母衣
四邊田宅非所有
我身不及逐雞飛
出門若有歸死處
猛虎當衢向前去
百年不遺踏君門
在冢

誰喚爲新婦豈不見他鄰舍娘嫁來長在舅姑傍

同前

張籍

促促復促促家貧夫婦歡不足今年爲人送租船去年
捕魚在江邊家中姑老子復小白執吳綃輸稅錢家家
桑麻滿地黑念君一身空努力乍教牛蹄團團羊角直
君身長在應不得

樓上女兒曲

盧仝

誰家女兒樓上頭指麾婢子掛簾鉤林花撩亂心之愁
卷却羅袖彈箜篌箜篌歷亂五六弦羅袖掩面啼向天
相思弦斷情不斷落花紛紛心欲穿心欲穿憑欄干相
憶柳條綠相思錦帳寒直緣感君恩愛一回顧使我雙

淚長珊珊我有嬌靨待君笑我有嬌蛾待君掃
罵花爛熳君不來及至君來花已老
心腸寸斷誰得知玉階
罨生青草

青青水中蒲三首


韓愈

青青水中蒲下有一雙魚君今上隴去我在與誰居
青青水中蒲長在水中居寄語浮萍草相隨我不如
青青水中蒲葉短不出水婦人不下堂行子在萬里

樂府詩集卷第九十一

東吳毛晉訂正

男辰再訂



樂府詩集卷第九十二

太原 郭茂倩 編次

新樂府辭

樂府雜題

塞上曲

李白

大漢無中策匈奴犯渭橋五原秋草綠胡馬一何驕命
將征西極橫行陰山側燕支落漢家婦女無花色轉戰
渡黃河休兵樂事多蕭條清萬里瀚海寂無波

同前二首

王昌齡

蟬鳴桑樹間八月蕭關道出塞入塞雲處處黃蘆草從
來幽并客皆向沙場老莫學游俠兒矜誇紫驕好

邊頭何慘慘已葬霍將軍部曲皆相弔燕南代北聞功
勲多被黜兵馬亦尋分更遣黃龍戍唯當哭塞雲

同前

耿緯

慣習干戈事鞍馬初從小在邊城身微久屬千夫長
家遠多親五郡兄嬾說疆場曾大獲且悲年鬢老長征
塞鴻過盡殘陽裏樓上悽悽算角聲

同前

司空曙

塞柳接胡桑軍門向大荒幕營隨月魄兵氣長星芒橫
吹催春酒重裘隔夜霜冰開不防虜青草滿遼陽

同前九首

曾貫休

幽并兒百萬百戰未曾輸蕃界已深入將軍仍遠圖月

明風拔帳磧暗鬼騎狐但有東歸日甘從筋力枯

中軍殺白馬白日祭蒼蒼號變旗幡亂輦乾草木黃朔
雲含凍雨枯骨放妖光故國今何處參差近鬼方

白雁兼羌笛幾年垂淚聽陰風吹殺氣永日在青冥遠
戍秋添將邊烽夜雜星嫖姚頭半白猶自看兵經

大雨始無塵邊聲四散聞浸河荒寨柱吹角白頭軍牛
馬齟齬草烏鳶識陣雲征人心力盡枯骨更遭焚

帳幕侵奚界憑陵未可涯擒生行別路尋箭向平沙赤
落蒲桃葉香微甘草花不堪登隴望白日又西斜

地角天涯外人號鬼哭邊大河流敗卒寒日下蒼煙殺
氣諸蕃動軍書一箭傳將軍莫惆悵高處是燕然

山接胡奴水河連勃勃城數州今已伏此命豈堪輕磧
吼旄頭落風乾刁斗清因嗟李陵苦只得沒蕃名
錦袷胡兒黑如漆騎羊上水如箭疾蒲桃酒白鷓鴣紅
首着根甜沙鼠出單于右臂何須斷天子昭昭本如日
一握鬢髯一握絲須知只爲平戎術

去年轉鬪陰山脚生得單于却放却今年深入於不毛
胡兵拔帳遺弓刀男兒貴展平生志爲國輸忠合天地
甲穿雖則失黃金劍缺猶能生紫氣塞草萋萋兵士苦
胡虜如今勿胡虜封侯十萬始無心玉關生入君看取

同前二首

戎昱

漢將歸來虜塞空旌旗初入玉關東高蹄戰馬三千匹

落日平原秋草中

胡風略地燒連山碎葉孤城未下關山頭烽子聲聲叫
知是將軍夜獵還

同前二首

王維

天驕遠塞行鞘裏寶刀鳴定是酬恩日今朝覺命輕
塞虜常爲敵邊風已報秋平生多志氣箭底覓封侯

同前

周朴

一墜風來一墜砂有人行處沒人家黃河九曲冰先合
紫塞三春不見花

同前

張祜

邊風卷地時日算帳初移磧迴三通角山寒一點旗連

樂府九十二卷三
收揚索馬引滿射鵠兒莫道勲功細將軍咎戍師

塞上行

歐陽詹

聞說胡兵欲利秋昨來投筆到營州
驍雄已許將軍用邊塞無勞天子憂

同前

鮑溶

西風應時筋角堅承露牧馬水草冷
可憐黃河九曲盡氈館牢落胡無影

同前

李昌符

莽倉盧關北孤城帳幕多客軍甘入陣
老將望回戈樹盡禽棲草冰堅路在河汾陽
尋下世羌虜肯先和

同前

周朴

秦築長城在連雲磧氣侵風吹邊草急
角絕塞鴻沉世世征人往年年戰骨深
遼天望鄉者起首盡霑襟

塞上

高適

東出盧龍塞浩然客息孤亭堠列萬里
漢兵猶備胡邊塵滿北溟虜騎正南驅
轉鬪豈長策和親非遠圖惟咎李將軍
按節出皇都總戎掃大漠一戰擒單于
常懷感激心願効縱橫謨倚劔欲誰語
關河空鬱紆

同前

王建

淪淪復淒淒黃沙草漸迷人當故鄉
立馬過舊營嘶斷雁逢水磧回軍占
雪溪夜來山下哭應是送降奚

同前

鮑溶

朔風號薊門殺氣日夜興咸陽三千里鐵馬如飢鷹行
子久去鄉見山不敢登寒日慘大野虜雲若飛鵬西北
防秋軍麾幢宿層冰匈奴天未喪戰鼓長騰騰漢卒馬
上老樊纓空絲繩誠知天所驕欲罷又不能

同前

李端

二十在邊城軍中得勇名卷旗收敗馬斷磧擁殘兵覆
陣烏鳶起燒山野火明塞閒息遠獵師老厭分營雪嶺
無人跡冰河足雁聲李陵甘沒此惆悵漢公卿

同前

曹松

邊塞來處闊今日復明朝河凌去聲堅通馬朝雲缺見鷓
沙中程獨泣鄉外隱誰招回首若經歲靈州生柳條

同前

鄭渥

出門何處問西東指畫翻爲語論同到此客頭潛覺白
未秋山葉已飄紅帳前影落傳書雁日下聲交失馬翁
早晚回鞭復南去大衣高蓋漢鄉風

同前二首

譚用之

秋風漢北雁飛天單騎那堪遶賀蘭磧暗更無巖樹影
地平時有野燒癡貂披寒色和衣冷劔佩胡霜隔匣寒
早晚橫戈似飛尉擁旄深入與田單

鉢略城邊日欲西遊人却憶舊山歸牛羊集水煙黏步
鷓鴣盤空雪滿圍獵騎靜逢邊氣薄戍樓寒對草煙微
橫行總是男兒事早晚重來似漢飛

同前

姚合

磧路三千里黃雲覆草平戰須移死地軍諱殺降兵印
馬秋遮虜蒸砂夜築城故鄉歸未得都尉欠功名

同前

張喬

勒兵遼水邊風急卷旌旃絕塞寒無樹平沙勢蓋天雪
晴回探騎月落控鳴弦永定山河誓南歸改漢年

同前

周朴

柳色正沉沉風吹秋夏深山河空遠道鄉國自鳴砧巷
有千家月人無萬里心長城哭崩後寂寞至如今

同前

秦韜玉

受降城必破回落隴頭移蕃道北海北謀生今始知

到處人皆著戰袍麾旗風緊馬蹄勞黑山霜重弓添硬
青塚砂平月更高大野幾重開雪嶺長河無限舊風濤
鳳林關外皆唐土猶尚蒐兵數似毛

同前

戴師顏

空磧晝蒼茫沙腥古戰場逢春多霰雪生計在牛羊冷
角吹鄉淚乾榆落夢牀從來山水客誰謂到漁陽

同前

江為

萬里黃雲凍不飛磧燿烽火夜深微胡兒移帳寒笳絕
雪路時聞探馬歸

同前二首

杜荀鶴

旌旗獵獵漢將軍閒出巡遊帝命新沙塞旋收饒帳幕

犬戎時殺少煙塵冰河夜渡偷來馬雪嶺朝飛獵去人
獨作書生疑不穩軟弓輕劍也隨身

草白河水合蕃戎出掠頻戍樓三號火探騎一條塵戰
士風霜老將軍雨露新封侯不由此何以慰征人

塞下曲六首

李白

五月天山雪無花祇有寒笛中聞折柳春色未曾看曉
戰隨金鼓宵眠抱玉鞍願將腰下劍直爲斬樓蘭
天兵下北荒胡馬欲南飲橫戈從百戰直爲銜恩甚握
雪海上食拂沙隴頭寢何當破月氏然後方高枕
駿馬如風颭鳴鞭出渭橋彎弓辭漢月插羽破天驕陣
解星芒盡營空海霧銷功成畫麟閣獨有霍嫫姚

白馬黃金塞雲砂繞夢思那堪愁苦節遠憶邊城兒螢
飛秋窗滿月度霜閨遲摧殘梧桐葉蕭颯沙棠枝無時
獨不見淚流空自知

塞虜乘秋下天兵出漢家將軍分虎竹戰士臥龍沙邊
月隨弓影胡霜拂劍花玉關殊未入少婦莫長嗟
烽火動沙漠連照甘泉雲漢皇按劍起還召李將軍兵
氣天上合鼓聲隴底圍橫行負勇氣一戰靜妖氛

同前

郭元振

塞外虜塵飛頻年出武威死生隨玉劍辛苦向金微久
戍人將老長征馬不肥仍聞酒泉郡已合數重圍

同前二首

王昌齡

飲馬渡秋水水寒風似刀平沙日未沒黯黯見臨洮
管日長城戰一作當日咸言意氣高黃塵是今古一作黃沙滿今

古白骨亂蓬蒿

秋風夜渡河吹却雁門桑遙見胡地獵韃馬宿嚴霜五
道分兵去孤軍百戰場功多翻下獄士卒但心傷

同前二首

馬戴

旌旗倒北風霜霞逐南鴻夜救龍城急朝焚虜帳空骨
銷金鏃在鬢改玉關中却想羲皇代無人說戰功

廣漠雲凝慘日斜飛霞生燒山搜猛獸伏道擊回兵風
折旗竿曲沙埋樹杪一作塞路平黃雲飛旦夕偏奏苦寒聲

同前

張籍

邊州八月修城堡候騎先燒磧中草胡風吹沙度隴飛
隴頭林木無北枝將軍閱兵青塞下鳴鼓逢逢促獵圍
天寒山路石斷裂白日不銷帳上雪烏孫國亂多降胡
詔使名王持漢節年年征戰不得閒邊人殺盡唯空山

同前

于濟

赤子別父母犬戎圍邏娑戰鼓聲未齊烏鳶已相賀燕
然山上雲半是離鄉魂衛霍待富貴不知誰與論

同前

陶翰

進軍飛狐北窮寇勢將變落日沙塵昏背河夏一戰駢
馬黃金勒彫弓白羽箭射殺左賢王歸奏未央殿欲言
塞下事天子不召見東出咸陽門哀哀淚如霰

同前二首

李益

蕃州部落能結束朝馳草獵黃河曲燕歌未斷塞鴻飛
牧馬羣嘶邊草綠秦築長城城已摧漢武北上單于臺
古來征戰虜不盡今日還復天兵來黃河東流流九折
沙場埋恨何時絕蔡琰沒處造胡笳蘇武歸來持漢節
爲報如今都護雄匈奴旦暮下雲中請書塞北陰山石
願勒燕然車騎功

漢家今上郡秦塞古長城有日雲長慘無風沙自驚當
今聖天子不戰四夷平

樂府詩集卷第九十二

東吳毛晉訂正

